

僊居集

七
23347
30

重修僊居縣志卷二十目錄

詩內編二

元翁森

寄陳上古堂二首
送東陳南園次古堂
歲暮雜書韻

補韻夏日書懷過天台讀書懷呂六松上方巖次李川

齋偶書上題陶淵明臨流賦詩圖屋頭開蕊

以詩門道絕訪古村王彥高不訪朱道士不遇

呂起猷

題畫梅七古律四時詩四首七絕

柯九思

宮詞十五首七絕
題從子倫畫雪景便面生芍題

藥七絕
春穆畫江山秋霽圖
古題
送尚醫林邦奎章閣二首
元日朝會大明宮七律

玉山主人題
從子倫畫南山曉霽圖
七絕
錢舜舉畫梨花七律

重修僊居縣志

卷二十

詩內編目錄

雍畫渭川煙雨圖
七古
中秋後偶作
送趙林彥

清歸永嘉五古
春日病起看花呈諸友人
賦花上月

子昂詩卷三
十韻
五排
岳王墓七律
玉山佳處七月

宿直七律
題晴竹五古
題趙千里畫八幅
六言
知州

翁復吉

偶坐感懷五律
四首
送王誠夫赴無錫知州

明上 吳紹烈

題臥菊七律

顧碩

邯鄲才人嫁為廝卒
婦古澄江館秋泛晚泊城

下寄賈聖可文獻
雁七絕
題畫

潘叔正

九首
三台文獻
雁七絕
題畫

王一甯

九日遊神樂都觀門送古文上山水淮陰遠樹五律
雨

送孔大尹還雙流七律
賦桃源雨牧
又賜遊萬歲山
八月十四日自壽山水圖五絕

共詩十一首三台文獻

張宗福

送馮禮部員外敏赴梁府册封四首五古
送禮部郎中蔣廷輝致仕還錢塘七律
舊志

楊孟瞻

送錢主政還松江七律

高輔

磨驢七律
麥蟲

王純

夜泊浙江七律
遊黃鶴樓

王存忠

埽地五律
寄張遜志別駕七律

蔣輝

秋夢錢塘五律

張成德

瞿塘五律
別蜀父老
送桴兒還試七律

徐謙

赴王一齋約遊桃源洞夜飲雲窩七律
詩遺
宮大成絕

重修僊居縣志

卷二十

詩內編目錄

二

張棟

自金陵之蜀別同寓范太和主事七律

楊燠

別離曲七古絕

右共十八家詩一百十八首

重修僊居縣志卷二十

詩內編二

元 翁森

字秀卿號此廬宋亡隱居教授有一瓢稿行世

寄陳古堂

往來幾興亡古今一天地而人生其中云胡不自責渺予寸心
孤浩發千載喟殘夜抱遺編青燈照無寐
懷人月千里開門秋一林徘徊不得寐對此石上琴山水有真
領寥寥本無音寄語子鍾子須知琴外心

柬陳南園

自昔賢哲士遭運每多屯世途自屈曲難揉胸輪困終夜起太

重修僊居縣志

卷二十

詩內編

息所憂非賤貧相望各努力勗哉追古人

次古堂歲寒雜書韻

清詩如修竹月露洗琅玕愛之不能舍一日三四看伊人偉識
量文字餘波瀾出處早見幾在漢申屠蟠風雨江村暮門掩清
燈寒所抱寸心在千載重不刊滿前熾子孫已足遺以安會當
驂白鹿華頂煉還丹

送行可和尚遊雁宕山

靈運平生屐如何一瘦藤夕陽紅葉寺秋雨白頭僧閱世三兵
火傳心幾佛燈詎羅還記我曾向此中登

春暮卽事

啼鶉春已暮徙倚念流光雨漲溪春急山晴火種忙尋芳知興
淺懷遠覺愁長兩月無來客青苔滿石牀

夏日書懷

孤坐衲蒙頭巖扉花竹幽山明雲罷雨天迴月懸秋
飲藏蔬鼠或偷道人方睡去夢人五臺遊

過天台

落日千林外悠然一望賒黃檀六七里綠竹兩三家幽步窺殘
雪孤愁入遠霞今宵何處宿茆店有梅花

寄懷呂六松

西風吹薄暝萬葉賦秋聲高鵠雪邊小孤蟾雨後清年光淒短

重修僊居縣志

卷二十

詩內編

二

思世態重離情石壁滄浪闊休寒白鷺盟

方巖次李學補韻

散策松邊寺無心任去留山昏雲欲暝地迴月涵秋細響鳥驚
樹孤吟僧倚樓重陽明日是又作十天遊

四時讀書樂

山光照檻水繞廊舞雩歸詠春風香好鳥枝頭亦朋友落花水
面皆文章蹉跎莫遣韶光老人生惟有讀書好讀書之樂樂何
如綠滿窗前草不除

新竹壓簷桑四圍小齋幽敞明朱曦晝長吟罷蟬鳴樹夜深燼
落螢入幃北窗高卧羲皇侶只因素稔讀書趣讀書之樂樂無

窮瑤琴一曲來薰風

昨夜庭前葉有聲籬豆花開蟋蟀鳴不覺商意滿林薄蕭然萬籟涵虛清近牀賴有短檠在及此讀書功更倍讀書之樂樂陶陶起弄明月霜天高

木落水盡千崖枯迴然吾亦見真吾坐對韋編燈動壁高歌夜半雪壓廬地爐茶鼎烹活火一清足稱讀書者讀書之樂何處尋數點梅花天地心

山齋偶書

春風桃灼灼秋雨黍離離眼底千千事空山獨坐時

題陶淵明臨流賦詩圖

重修僊居縣志

卷二十

詩內編

三

閒居淡無惊臨流忽有得平生詩外心灘上一鷗白

屋頭梅開一蕊

寂寞茆齋下孤梅一蕊開無人知此意日暮繞蒼苔

訪古村王彥高不值留竹間

西風吹起一襟秋遙度前村訪子猷不見子猷空倚竹此心猶爲此君留

訪朱道士不遇題山扉

閒來松下扣僊家惟見山扉掩碧霞步繞籬根霜履滑已將心事語梅花

海門道中宿田家

煙浦偶同漁父渡竹籬愛宿野人家悠然此夜得真領隴月初
生梅始華

宿山中田家

欵坐頽簷醉濁醪松油燒盡夜蕭騷兒童十歲能吹笛嘹亮一
聲山月高

呂起猷

字徽之號六松博學工詩文晦迹不仕

題畫梅

黃君畫梅天下稀枝枝筆底如龍飛幹盤屈曲蒼苔古老樹頃
刻生光輝婆娑月下弄清影在處幽香襲詩境此地全無車馬
塵間關翠禽啼夢冷

重修僊居縣志

卷二十

詩內編

四

春

前溪凍解綠生波好雨催花向曉過宿酒未醒眠未起半窗紅
日鳥聲多

夏

竹几藤牀石硯屏薰風簾幙篆煙清空階數點黃梅雨添得芭
蕉綠滿庭

秋

商聲早已到梧桐夜氣生涼湛碧空閒倚小窗待明月紫簫吹
徹木樨風

冬

斗室蕭蕭日晏眠
疎狂惟與懶相便
尋常甲子無心記
看到梅花又一年

柯九思

字敬仲天祿間官奎章閣監耆博士

宮詞十五首

萬國貢珍羅玉陛
九賓傳贊卷珠簾
大明前殿筵初秩
勳貴先

陳祖訓嚴

凡大宴世臣掌金匱之書必陳祖宗大札撒以爲訓

黑河萬里連沙漠
世祖深思創業難
數尺闌干護春草
丹墀留

與子孫看

世祖建大內命移沙漠莎草於丹墀內示子孫毋忘草地也

親王上璽宴西宮
聖祚中興慶會同
爭卷珠簾齊仰望
瑞雲捧

日御天中

天祿元年十二月二十七日篤恰帖木兒怯薛第二日寶房內對速古兒赤明里董阿平章月魯不花右

重修僊居縣志

卷二十

詩內編

五

丞大都赤哈刺人尚書有來典瑞院官吉寶兒同簽答

失蠻經歷柯都事奏十月二十二日上都送寶來的時分興聖

殿御宴其間五色祥雲捧日當殿本院官判鄭立經歷張

符都事柯九思等與衆於殿前一同仰觀郁鬱紛紛非霧非煙

委繫卿雲現似這般祥瑞應時阿如今與省家文書

行移國史院標寫入史怎生奉聖旨您每行文書者

四海昇平一事無常
參已散集諸儒傳
宣羣玉看名畫
先進開

元納諫圖

凡御覽書法名畫羣玉內史掌之

萬里名王盡人朝
法宮置酒奏簫韶
千官一色真珠襖
寶帶攢

裝穩稱腰

凡諸侯王及外番來朝必錫宴以見之國語謂之質孫宴質孫漢言一色言其衣服皆一色也

官家明日慶生辰
準備龍衣熨帖新
奉御進呈先取旨
隋珠錯

落間奇珍

御服多以大珠盤龍形嵌以奇珍曰鴉忽曰喇者出自西域有直數十萬定者

傳宣太尉頒宮錦
近侍承恩拜榻前
製得袍成大未曉
著來香

賀新年

臘前分賜近臣襖材謂之拜年段子

鳳城

天一街作

女樂擁祥煙梵座春遊泱

一作夾

管絃齊望綵樓呼萬

歲祥雲

一作黃作

只在五雲邊

故事二月十五日迎帝師游

皇城中結綵樓臨觀之

花明畫錦柳搖絲僊島陪鑾濯禊時曲水番成飛瀑下透迤銀

漢接清池

故事上巳節錫宴於萬歲山

儒臣春值奎章閣玉陛牙牌報未時僊仗已迴東內去牡丹花

畔得圍棋

上日御奎章閣報未時則還內殿矣

玉腕調冰湧雪花金絲纏扇

一作線

繡紅紗綵牋御製題端午勅

送皇姑公主家

皇姑者魯國大長公主皇后之母也天歷二年端午上賜甚厚并御詩送之

觀蓮太液汎蘭橈翡翠鴛鴦戲碧苔說與小娃牢記取御衫繡

重修僊居縣志

卷二十

詩內編

六

作滿池嬌

天歷間御衣多為池塘小景名曰滿池嬌

珠宮賜宴慶迎祥麗日初隨彩線長大史院官新進歷榻前一

一賜諸王

每歲日南至太史進來歲歷日

元戎承命獵郊坰勅賜新羅白海青得雋歸來如奏凱天鵝馳

送入宮庭

海青者海東俊鶻也白者尤貴有數十金者

玉漏藏機水暗流真珠射日動燈毬偶人自解開青瑣高拱龍

牀報曉籌

大明殿有燈漏飾以真珠內為機械以小木偶人十

板上直御牀立捧辰所屬後報時

題從子倫畫雪景便面

千山雪月繞漁磯寒沁船窗酒暈微魂斷翠禽香入夢梅花應

笑美人歸

題所藏趙仲穆畫江山秋霽圖

國朝名畫誰第一，只數吳興趙翰林。高標雅韻化幽壤，斷縑遺楮輕黃金。憶昔京華陪勝集，郎君妙年才二十。江南春雨又相逢，筆底秋山那可及。便欲追蹤僧巨然，破墨爛漫還清妍。倚欄人待滄海月，懸厓樹拂瀟湘煙。老夫絕愛扁舟趣，風靜波深疑可渡。顧生癡絕忽大叫，指點前峯問歸路。

題從子倫寫生芍藥於玉山佳處

九十春光事已非，翻階芍藥尚天機。畫工點染成生色，說與東君少待歸。

光緒僊居集

卷二十

詩內編

七

春值奎章閣二首

旋坼黃封日鑄茶，玉泉新汲味幽嘉。殿中今日無宣喚，閒卷珠簾看柳花。

春來瓊島花如錦，紅霧霏霏漲九天。底事君王稀幸御，儒臣日侍經筵。

元日朝會大明宮

軒冕朝元湧翠埃，中天雞唱內門開。雲飄五鳳層樓矗，日繞羣龍法駕來。謁者引班聯寶帶，上公稱壽進金杯。撞鐘告罷宮花側，人儒指冠錫宴迴。

送尚醫林邦獻歸天台省親

嘗藥事親師華扁玉函方秘得真傳采芝曾斲瓊臺月煑朮時
飄碧海煙幾載尙醫留帝里一朝歸省上江船五雲閣吏今華
髮爲報桃花洞裏僊

題錢舜舉畫梨花

洛陽城西千樹雪走馬看花徧阡陌金鞭換酒爲沈飲爛醉花
前扶不得粉香煑透詩人脾思入吳牋灑殘墨別來風雨難爲
春客懷幾度孤清明壯遊回首已陳迹一聲啼鳥心魂驚苕溪
居士獲天趣造化潛移不知處玉容寂寞澹春寒猶記香山舊
時句羨君好古清有餘勵志恥作黃金奴梅邊握手恨不早老
眼半世空江湖畫圖詩筆耀當代大嚼屠門意殊快更須什襲

光緒僊居集

卷二十

詩內編

八

爲珍藏靜裏春光常自在

題從子倫畫南山曉霽圖

少年曾帶南山勝畫舫笙歌日日來第二橋邊春水滿曉晴芳
樹散輕埃

春日偶成戲簡玉山主人

愛君談笑俱清絕昨日相逢是幾回春色不將塵事惱杏花移
得上窗來

題釣月軒

談笑從吾樂相過罷送迎凭闌看月出倚釣待雲生蝶化人間
夢鷗尋海上盟軒居總一作穩適意何物更關情

至順初上嘗御奎章閣太禧使明理董阿中書左丞趙世安大司農卿哈刺八兒侍上從容詢求江南之士臣九思以韓性張翥應詔上曰俟脩皇朝經世大典畢卿至江南刊梓時可親爲朕召此二人者來試之館閣臣九思再拜曰幸甚後有近臣自南使還者上問此二人其人亦曰佳士上頗悅後竟因循遂隔今舉事玉山思之泫然流涕玉山請詩以紀爲四十字以寄二子云
二美人間少胡爲滄海涯文章聯壁貴聲譽九重知宣室今無
召邱園漫有詩蒼梧雲鬢鬢回首淚空垂

題宣和書畫博士李時雍畫渭川煙雨圖

光緒僊居集

卷二十

詩內編

九

近代何人能畫竹只數熙甯文與蘇宣和復有李博士亦有渭川煙雨圖圖中蕭蕭風景暮溪谷縈迴森竹樹深林欲澹蒼翠來暗葉爭翻亂珠度石梁細路人家幽生涯應比千戶侯老夫對此銷百憂坐覺滿堂生素秋筆端亦能工破墨直節曾移江上色先朝見之重歎息吁嗟儒雅成陳迹回首丹霄天地窄

中秋醉後偶作

虞淵日沈羣動息露點蒼苔鬼工泣纖塵不染堪輿清秋水無痕湛晴碧初若照膽鏡飛上天一壁又如驢龍珠跳出滄海窟冷光透體骨髓凝灑氣侵人毛髮立年年中秋事行理孤館殘燈滯他邑今歲居貧家此景頗自適持杯向月月墮酒舉酒長

吞月隨入酒到胸中飛火車月入詩腸洒冰汁眼花忽見僊人
來笑語欣然若相識長笛叫虛寒餘響裂巖石搔首於兩間今
夕復何夕雲中老桂飄古香樹影婆娑印蟾璧天風忽吹散人
月兩俱失玉山倒人無何鄉雄雞聲裏東方白

送趙季文之湖州參軍與達兼善秘書同賦

人生功名如掣電獨有君家吾所羨弟兄玉立總成名堂上慈
親尚強健伯兄日日報平反喜溢萱花促張宴參軍趙官百餘
里甘旨懸知可充膳聞君二月當揚舲太湖水暖春冥冥碧瀾
堂前萬花麗水精宫外羣峰青幙府事稀多暇日騎馬題詩訪
陳迹野亭日落朱顏酡早寄書來慰思憶

光緒僊居集

卷二十

詩內編

十

商壽巖山水圖

老子胸吞幾雲夢賸水殘山藏妙用酒酣詩把墨濡頭收拾乾
坤作清供粉黛不寫兒女顏禿兔埽盡江南山孤峯拔地起千
尺凜凜秀色撐虛寒飛泉一道躍靈窟古樹千株舞煙骨小橋
流水隔紅塵中有幽人卧茅屋眾奇百譎烏可名筆力到處俱
天成王維久死喚莫起此畫一出疑更生世人飲食鮮知味淡
裏工夫屬三昧屠門大嚼空垂涎口不能言心自醉蹇驢馱我
春暮時觀山仰面哦新詩垂楊脩竹夾古道忽有桃杏橫纖枝
浴沂風軟搖輕袂雨過屏山滴煙翠數家籬落近橫塘牛背夕
陽明遠霽悠然對景心無窮冥搜直欲收奇功貪愛眼前閒世

界不知身落畫圖中

趙孝子歌

愁漠漠歌烏烏鳴一作

哀鴻背雪鳴聲一作

相呼中原無書歲復晏

有父萬里身羈孤兒欲從之重回首闈中有母母有姑側立乾

坤行一作復止一作

浩浩落日明江湖憶昔方祿一作

抱阿耶

辭家去倏忽三十年兒今壯已娶一朝祖母死揮淚青山溼郤

辭老母踰一作

江淮一作

風沙何處收親骨燕市逢先友迢迢

指濱洲濱洲東去二千里城南亂處那可求呼一作天頓地淚

成血天地爲之色慘冽一作結髮誓死不去此髮解冢開還見

碣兒能裏骨反如墓妻能守志終同穴君不見泣林冬斷一作

光緒僊居集

卷二十

詩內編

十一

筍臥冰寒得魚古來純孝動天地我詩紀事誠非虛璽書早暮

旌其閭

送林彥清歸永嘉

雁蕩接銀漢翠湧生高寒芙蓉散秋錦飛落秋雲端我昔造絕

頂天闊路漫漫遙瞻廣寒殿素娥正憑闌白兔擣月魄指顧成

神丹因招宋成公吹簫乘紫鸞俯視九萬里元氣清團團別來

知幾時弱水如平灘忽遇雁山客霞佩青蓮冠還入雁山去玉

髓供晨餐報我舊遊者久待凌煙巒吾患爲有身南望空長歎

春日病起看花走筆呈座上諸友

幾日不出門花開已如許錦繡薄流霞臙脂透疎兩煖生蝴蝶

夢風淡鴛鴦浦底事遠遊人鷗邊蕩柔櫓

賦花上月送沃州良上人

林園念良會花月含清輝娟娟緜萼皎皎澄芳姿臨池春弄
景轉樹夕藏霏凝香蜚翠蓋散影沾羅衣飛觴昔忘曙秉燭貴
及時欲隨支遁發行樂願無違

墨竹

生意滿孤根香凝粉節痕驚看雷雨夕化作老龍孫

題汲水美人圖

汲水立銀牀照見紅妝影王孫殊未歸寶釧霜花冷

題趙子昂詩卷三十韻

光緒僊居集

卷二十

詩內編

十二

江漢龍船下東南王氣收求賢垂睿略爲治訪嘉猷使者班纁
幣王孫覲冕旒未央凝露掌東序薦天球灝氣凌風上祥光近
日浮看花陪雉尾視草近螭頭清曉還聞履嚴寒或賜裘宋公
周有客項伯漢諸侯人仰文章貴身承禮數優五朝通內籍九
命擅清流昔滯京都久時從几杖遊通家憐我慧對酒慰羈愁
妙墨時相贈新篇不厭酬風流追鮑謝文采駕枚鄒心慕歸來
好官因老欲休倚闌秋待月攜客煖經邱歌罷聞啼鳥忘機玩
狎鷗苕溪今寂寂松雪自悠悠馬鬣遺封在龍驤待詔不斷繚
人共賞雙字世爭售揮翰能兼美評量此莫儔調高鏘玉管筆
健映銀鉤江海滄煙暮湖山碧樹秋賈充能誤國王粲漫登樓

花落渾無賴春歸不自由蜀牋臨別墅英穎勝他州揮洒真成癖吟哦可解憂鍾王多韻度李杜極深幽入室能攀踐趨隅恨阻修錦標連玉軸把卷共綢繆

岳王墓

結髮行閒見此公兩河忠義俟元戎勲成伊呂終方駕算勝孫吳亦下風拂劍未酬千古辱賜環空壞十年功奸邪賣國堪流涕獨立西風看去鴻

玉山佳處

神人夜斧開清玉一片西飛界溪曲中有桃源小洞天雲錦生香護華屋主人意度真神仙日日醉倒春風前手揮白羽扇口誦青苔篇袖拂劍山雲足躡藍田煙飄飄直向最佳處漱潤含芳擊琪樹世間回首輒塵紅不須更向蓬萊去

自題晴竹

歲寒有貞姿孤竹勁而直虚心足以容堅節不撓物可比君子人窮年交不易曄曄桃李花旦暮改顏色

題趙千里畫八幅

數幅晴雲翠岫千重碧樹瓊樓羨殺承平公子筆端萬里瀛洲

春夜宿直

寶章金鑰直承明袖捧祥雲曙色清親侍鑾輿中道發旁趨冠劍兩旁行洞房夜影搖珠箔別殿春風度玉箏萬物盡沾天上

澤苑花深處聽流鶯

飛龍亭二首

謝安墩上新亭好玉斧鸞旌記舊

紀一作昔

遊五采已

曾一作

瞻天子

氣六龍初

俄一作

起帝王州元戎談笑收京闕阿閣論思待冕旒

歸卧滄江今白髮鼎湖雲斷使人愁

龍去亭

臺一作

空思惘然道人和淚話當年珠宮錫號開三島金

榜承恩自九天花落御牀霑宿霧苔生輦路溼蒼煙春來怕度

秦淮水處處青林啼杜鵑

送王誠夫赴無錫知州

黃金橫帶爛輝光田守甯辭道路長鵷序久陪蒼水使鳳池曾

光緒僊居集

卷二十

詩內編

十四

賦紫薇郎雙旌坐鎮清溪月列戟看凝宴寢香肯汲惠山泉見

寄青春煮茗當還鄉

送黃鍊師

榴皮書壁走龍蛇池上芭蕉又見花北闕恩承新雨露西湖光

動舊煙霞春風日長玄都樹秋水星回碧漢槎脩月功成三萬

戶蕊珠宮裏誦南華

翁復吉

字原善森從孫黃巖州判官

偶坐感懷

竹陰時偶坐斷續送蟬聲落木千山瘦寒流一帶清三農逢歉

歲萬里正佳兵杼軸空江左從教布縷征

明上 吳紹烈

字得晦 東洲人 洪武間 明經 知江西鉛山縣

題臥菊

余小園有菊一本倚石磴上若臥狀致楚楚可人漫賦一律以志羨云

倦陪彭澤醉霞觴斜委金鈿臥石牀荒徑曉寒肌自瘦疎籬夜
靜夢猶香不同紫禁眠楊柳豈效紅妝睡海棠萬木經秋搖落
盡羨渠高枕傲清霜

顧碩

字景蕃 洪武中石樓知縣 有石樓稿

邯鄲才人嫁與廝養卒婦

妾本邯鄲女選入宮中早妾少君不知君知妾已老花開空度
春花落還委草君恩比春深妾命勝花好妾老有所歸花落無
人埽

光緒僊居集

卷二十

詩內編

十五

江村秋泛

渺渺長江秋泛舟淡容與掀篷開我樽欲與白鷗語白鷗招不
來悠悠隔煙渚回首暮蒼茫雲生半空雨

送遠客

吳中多舊遊舍此復何求車馬有行色江山無此愁地逢沙草
暮天冷雪花秋後夜相思夢西風人倚樓

送林定之

江南正搖落送君歸海門葦花秋水棹茆店夕陽尊欲別更回
首無言空斷魂遙知舊隱處釣石半苔痕

晚秋宿澄江館

大邊歸鳥盡羈思獨悠悠鐘靜千門夜風餘一葉秋故山明遠
曉前路隔寒流欲向何時息無人起飯牛

秋晚泊城下

悠悠隨短棹望望及丹邱日落江山暝風高鼓角秋靜依城下
宿涼起客中愁兩岸誰家住燈明水竹幽

寄賈聖可

不見賈生久歲寒音信稀飄零何處去悵望幾時歸霜雪添新
鬢風塵滿旅衣天涯應有感寸草報春暉

蘆雁

拍天煙水接瀟湘蘆葦秋風葉葉涼何處漁郎夜吹笛雁羣驚

光緒僊居集

卷二十

詩內編

十六

起不成行

題畫

茂林帝子好神僊別起高樓入半天望斷巢笙空外下海山珠

樹沒秋煙

潘叔正

東潘人永樂癸未舉人除濟甯同知終梧州同知

午日聞笛

湘浦魚龍爭角黍漢宮蜥蜴飽硃砂淒涼何處一聲笛咽斷江

梅五月花

王一甯

名康號節齋以字行岐山人監丞峻用子永樂戊戌進士有交通集二十卷

九日遊神樂觀分韻得然字

束帶事柔翰茲苦世務牽良辰入奇懷逸興何飄然聯鑣衆君子來訪琳宮僊空原散遊目虛室怯煩喧丹爐瀹新茗行廚羅廣筵採菊泛清觴焚香調素絃鬱懷旣夷曠佳句多所宣懷哉龍山飲百世尤當傳

題山水圖

幽人事溪居溪居水亭小蘿逕長新苔深林間叢篠往術斷欲迷紆迴忽深窈洲闊漁歌遠地偏遊樂少開簾納遠山忘機狎鷗鳥水氣晚生涼溪虛月逾皎我本山水人間情抗塵表載酒棹孤舟何時共幽討

題湘煙雨竹卷

光緒僊居集

卷二十

詩內編

十七

三湘遠出湖湘南沙明水碧多寒潭江上亂山竹如簣連朝煙雨成陰嵐扁舟曾艤江之滸莽莽綠雲渺何許煙消雨歇茂林開猶帶輕陰隔前浦湘君悵望楚天低九疑又在衡陽西欲從洞庭尋九疑兩岸鷓鴣竹上啼聞之倚竹遙相待不覺年華倏云改餘情空付水東流枝上還留淚痕在鳳池有僊清且才胸中成竹何奇哉令人看畫憶往事彷彿推篷湘水隈

都門同董仲魯中書送文上人還佛惠寺

西湖北山青如螺山光倒浸西湖波山中有刹名佛惠禪房寂寂藏煙蘿上人文達住山久久有佳名在人口翻經豈解貝葉長掛袖不知春去後燈懸千嶂夕雲陰鐘聲遙出竹林深曇花

作蓋上方靜悠悠水月皆禪心
竭來掛搭走燕麓足音趵然冷
空谷月下何人爲扣門池邊有鳥還來宿似梗飄飄枝一節天涯
三載淹歸蹤此日儵然辭帝里言旋高臥湖山中方外之交
鳳池侶朝回相送灤河滸翩翩飛錫果安之遙指吳山最深處
淮陰遠樹送侯進士還台

歸路經淮楚微茫夏木連桑村飛鳥外柳驛夕陽邊密密藏深
雨陰陰宿煖煙登高無限趣暫駐木蘭船

送孔太尹友諒還雙流

春城微雨挹輕埃列宿纔從報政回楊柳可堪燕市折桃花還
向錦江開愁聽巫峽猿聲去正值巴川雪水來想是甘棠多暇

光緒僊居集

卷二十

詩內編

十八

日新詩取次綠陰裁

賦桃源兩牧送王員外弟會稽

孤帆帶雨下官河歸路遙從牧野過負郭人家煙火溼連天秋
色笛聲多推篷宛有桃林境扣角應無白石歌故國尊鱸今正
美不須淮北羨煙蓑

賜遊萬歲山

峇堯宮殿禁城西山上平臨北斗齊太液風微銀漢靜御橋雨
過玉虹低天開圖畫瓊爲島路轉巉巖石作梯此日承恩賜遊
覽幸陪冠冕得扳躋

八月十四日自壽

湖湘槎梗尙飄然老去生辰到客邊
旅邸不知親舍遠驛亭猶設几筵
鮮兩年初度舟千里一夜中秋月
半天何用羣僊敲拍板清樽聊與
故人傳

山水圖

二首

懸流下紫煙橫橋卧晴碧日色入林遲
當晝林霏溼

山下陰雲晝不開一溪新漲浸樓臺
由來地僻無行迹惟有疎松覆綠苔

張宗福

字世昌西門人永樂間由通經儒士薦任制勅房中書

送馮禮部員外敏赴梁府冊封

梁建國郢

梁藩翰楚服皇仁邁堯親寶冊行大封
金枝光寵新蹌蹌分署

光緒僊居集

卷二十

詩內編

十九

僊將命辭帝宸晨興集冠佩飲餞東城闈

城闈弭去驂對筵戒金素秋蟬度新聲
涼飈起高樹須臾袂欲判躊躇不能去
悠悠搖使旌渺渺卽長路

長路幾千里遄歸亦有期
早知戀闕心顧瞻常依依晴煙廣陵渡
暮雨潯陽磯靡及每興懷江湖復透遲

透遲入郢郊絳節何煌煌木鳳下九天
萬象咸輝光聖德旣已宣勝遊情更長
皇華有餘暇遙報陽春章

送禮部郎中蔣廷暉致仕還錢塘

先爲中書

鳳池僊客拜春官廿載濡毫侍聖顏
青鏡忽驚雙鬢改丹山願托一身閑
宅邊松菊堪吟嘯湖上風煙足往還
會有籠鵝人換

字柴門未許畫長關

楊孟瞻

名岑以字行楊府人永樂間貢入太學九年應天府中式終徽州通判詳傳

宋錢主政還松江

相門才子善摛文玉樹臨風更不羣故國尊鱸侵旅夢京華車馬任浮雲鄉心對酒秋應早客館停驂日易曛年少翩翩辭好爵慚予白髮未如君

高輔

字元之號橘隱入貲爲郎

磨驢

東園馳罷屬渠家負磨團團去路賒混沌氣中挨地軸雷霆聲裏轉天車霸朝有夢衝殘雪杜曲無由去蹈花暫得偷閒仰天

光緒僊居集

卷二十

詩內編

二十

嘯爲誰辛苦作生涯

麥蟲

研麥爲蟲當午炊瓦盆堆捧出山廚兩眠蠶細初離殼半寸蝦長始脫鬢梁燕欲銜空著眠庭雞賺啄誤呼兒山家賴此聊充腹不願羊羔分外圖

王純

字宏文號一齋車門人成化十七年進士歷官湖廣提學僉事

夜泊浙江

舟人語喧舟漸泊蘆荻洲前風索索隱隱疎鐘天竺聞渺渺孤帆海門落澄江秋月野客心坐據胡牀聊一吟何時短棹復南返不負五湖煙水深

遊黃鶴樓

莓苔徑路雨餘天
攜友登臨興浩然
太白風高樓尚在
崔郎句好世猶傳
狂來對酒翻忘客
老到逢人怕問年
渺渺江流芳樹遠
望中一鳥破橫煙

王存忠

字誠之號壘齋萬竹人成化丁未進士授南京巡按御史轉鎮江太守歷江西左參政居官以廉潔

稱憤劉環擅權抗疏乞歸壽八十六卒應尚書大猷其外孫也

埽地

豈云輕富貴
原不愛紛華
性懶勤埽地
家貧喜種花
林泉爲活計
風月是生涯
自有牀頭甕
何須問酒家

寄張遜志別駕

光緒僊居集

卷二十

詩內編

二十一

文苑魯同樹
赤旌一官彼此逐
浮萍廿年許
國頭俱白千里懷
人眼獨青渺渺蒼煙橫
海岫萋萋芳草占
山城南峯洞口桃初發
好向滄浪共濯纓

蔣輝

號桂林柘川人成化間貢終福甯州同知善談星射覆多奇中尤精於堪輿

秋夢錢塘

秋色江村晚
蒹葭昨夜霜
菊花欺鬢短
鷗鳥笑人忙
樹影籠雲薄
濤聲入海長
懷人黃葉夢
明月渡錢塘

張成德

名浹號遜志以字行西門人有遜志集

瞿塘

途危推劍閣
灘險數瞿塘
秦楚分疆域
乾坤半渺茫
濤奔蛟有

勢壁峭日無光宦薄圖書少航輕用石裝

別蜀父老

微官近十載瞿峽純盤旋手跡花千樹征囊書半肩聖明會別
簡父老漫相憐遮道情難遣人爲揀一錢

送桴兒還試

嘉陵驛上別吾歸萬疊情懷逐旆飛夜兩恐驚篷底夢江風愁
怯客邊衣家山景色行應到宦舍晨昏去已違忠孝古來須兩
盡一經莫遣滯秋闈

金陵懷古

鐘山宮殿鎖莓苔曾見龍飛聖主開遜國已辭黃屋去寒潮猶

光緒僊居集

卷二十

詩內編

二十一

擁石城迴金陵王氣嗟何在玉樹歌聲轉可哀欲弔遺蹤時事
改夕陽荒草雨花臺

徐謙

字孟克號六吉大井頭人宏治貢終知縣

赴王一齋約遊桃源洞夜飲雪窩

鶴髮蕭蕭不老僊雲窩石室寄長年庭多玉樹春無數路接桃
源翠欲然酒力乍闌翻潑活筆花如夢鬪芳鮮何須別覓香山
侶自是壺中七日天

宮犬

不逐人問臂上鷹安知驛路帶書行羊車未過宮門靜穩向花
陰臥月明

張棟

字廷泰號閱耕西門人成德子

自金陵之蜀別同寓范太和主事

對榻經年客夢安又從旅館束征鞍情於知己傾偏切話到分襟語較難玉壘新尋歧路去金陵便作故山看驪駒在道秋風苦楓葉蕭蕭酒欲闌

楊煥

號西崖楊府人宏治間貢除雲南楚雄衛經歷

別離曲

送君甯把花下盃送君不上江上臺花落明年還復開江水東流去不回

光緒僊居集

卷二十

詩內編

二十三

